



Broj: 01/3-50-3-3-20/17

Veza: 01,02-28-1791/17

Sarajevo, 4.9.2017.



BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

| | | | |
|------------------------|-----------------------|------------|--------------|
| PRIMLJENO: 06-09-2017 | | | |
| Organizaciona jedinica | Klasifikaciona oznaka | Redni broj | Broj priloga |
| | | | |

PREDSTAVNIČKI DOM

PARLAMENTARNE SKUPŠTINE BOSNE I HERCEGOVINE

Na osnovu člana 32. stav (1), a u vezi s članom 46. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15 i 97/15), Komisija za vanjsku trgovinu i carine Predstavničkog doma Parlamentarne skupštine BiH je na 20. sjednici, održanoj 4.9.2017., razmatrala Godišnji izvještaj iz oblasti poljoprivrede, ishrane i ruralnog razvoja za Bosnu i Hercegovinu za 2016., broj: 01,02-28-1791/17, od 20.7.2017., te Predstavničkom domu Parlamentarne skupštine BiH dostavlja sljedeće

MIŠLJENJE

**o Godišnjem izvještaju iz oblasti poljoprivrede, ishrane i ruralnog razvoja
za Bosnu i Hercegovinu za 2016.**

Vijeće ministara BiH se na 107. sjednici, održanoj 6.7.2017., upoznalo s Godišnjim izvještajem iz oblasti poljoprivrede, ishrane i ruralnog razvoja za Bosnu i Hercegovinu za 2016. i zadužilo Ministarstvo vanjske trgovine i ekonomskih odnosa BiH da predmetni izvještaj dostavi Parlamentarnoj skupštini Bosne i Hercegovine na usvajanje

Ministarstvo vanjske trgovine i ekonomskih odnosa BiH je Godišnji izvještaj iz oblasti poljoprivrede, ishrane i ruralnog razvoja za Bosnu i Hercegovinu za 2016. (u daljnjem tekstu: Godišnji izvještaj) dostavilo Parlamentarnoj skupštini BiH 20.7.2017. na usvajanje.

Kolegij Predstavničkog doma Parlamentarne skupštine BiH je na 53. sjednici, održanoj 25.7.2017., odredio Komisiju za vanjsku trgovinu i carine Predstavničkog doma Parlamentarne skupštine BiH (u daljnjem tekstu: Komisija), kao nadležnu komisiju za razmatranje Izvještaja.

Komisija je na 20. sjednici, održanoj 4.9.2017., u prisustvu predstavnika podnosioca Godišnjeg izvještaja, razmatrala Godišnji izvještaj i konstatirala da je obaveza dostavljanja godišnjeg izvještaja Parlamentarnoj skupštini BiH na usvajanje predviđena članom 23. Zakona o poljoprivredi, ishrani i ruralnom razvoju Bosne i Hercegovine („Službeni glasnik BiH“, broj 50/08).

Komisija je, također, konstatirala da je Godišnji izvještaj pripremila Ministarstvo vanjske trgovine i ekonomskih odnosa BiH, u saradnji s Ministarstvom poljoprivrede, šumarstva i vodoprivrede Republike Srpske, Ministarstvom poljoprivrede, vodoprivrede i šumarstva

Federacije Bosne i Hercegovine i Odjeljenjem za poljoprivredu Vlade Brčko Distrikta BiH, u skladu s članom 23. Zakona o poljoprivredi, ishrani i ruralnom razvoju Bosne i Hercegovine.

Nakon rasprave, Komisija za vanjsku trgovinu i carine Predstavničkog doma Parlamentarne skupštine BiH je sa šest glasova „za“, sa jednim glasom „suzdržan“ i bez glasova „protiv“ prihvatila Godišnji izvještaj iz oblasti poljoprivrede, ishrane i ruralnog razvoja za Bosnu i Hercegovinu za 2016. godinu.

Komisija predlaže Predstavničkom domu Parlamentarne skupštine BiH usvajanje navedenog izvještaja, u skladu s članom 23. Zakona o poljoprivredi, ishrani i ruralnom razvoju Bosne i Hercegovine.

Na osnovu člana 122. Poslovnika Predstavničkog doma Parlamentarne skupštine BiH, za izvjestioca na sjednici Doma imenovan je Šemsudin Mehmedović, predsjedavajući Komisije.

Dostavljeno:

- naslovu
- Indok sektoru
- a/a

